



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2173. Kurfürst Johann betätigt dem Balthasar von Löben die
Angefällsverschreibung auf das Dorf Neuendorf, welche des Kurfürsten
Schwester Frau Barbara selbigem ertheilt hat, am 1. Sept. 1491.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

2172. Kurfürst Johann vergleicht sich mit seiner Schwester Barbara, Königin von Böhmen, wegen ihres auf Crossen, Züllichau und Sommerfeld verschriebenen Leibgedinges, am 23. Juni 1491.

Wir Johannis etc. kurfurst, bekennen vnd thun khunt offentlichen mit disem vnserm briue vor Allermeniglichen. Nachdem vnd die hochgeborn Furstynn Fraw Barbara, geborne Marggreuin von Brandenburg, vermehelte khonigynn zu Beheim, herzogynn jnn Slezien etc. vnser liebe Swelster, sich etliche zeyt von yrem leybgeding der Slosser vnd Stett Crossen, zulich vnd Sommerfeld, jnn der Slezien gelegen, hir aufzenn bey vnserm vatter seliger vnd loblicher gedechtnus, auch vnsern fruntlichen lieben bruder enthalten vnd noch, haben wir vns auf hewt mit den gnannten vnsern lieben Brüdern an stat vnd von wegen vnser lieben Swelster Fraw barbara derselbigen jrer leybzucht halben gutlichen vereint vnd vertragen, wie hirnach volgt, Also das wir oder vnser erben jrer lieb zwey hundert gulden Reinisch alle Jar auf zwu frist nemlichen Saunt Michels vnd den Ostermarckt zu leiptzk jnn vnser herberg, dar ytz Tile kuchenmaister wonet, aus vnserm ambt vnd kasten zu Cultrin durch vnsern Castner, den wir ytz alda haben oder hinfurder haben werden, den wir solichs hiemit vnd in crafft dits briues beuelhen, jren anwalden, so ir lieb auff igliche zeyt dahin schickenn vnd senden wirdett, antwortten sollen vnd wollen vnd mit bezalung der Erstenn frist auf saunt Michels Marekht schirft kommend an zufahen, so lang vnd diweyl die ding mit vnserm lieben hern bruder vnd Swager den konig vonn Boheimen vnd jrer lieb nit volzogen oder abgetragen werden, vnd sie bey iren vnd vnsern lieben brudern hieaufen ir wesen hat. Sunder alles verczihen getrewlich vnd on geuerd. Actum Nuremberg, am abennt Johannis Baptilte jm XCI^{ten}.

Nach dem Kurfürst. Lehn- Copialbuche des K. Geh. Kab.-Archivs XXVII, 354.

2173. Kurfürst Johann bestätigt dem Balthasar von Löben die Angefällverschreibung auf das Dorf Neuendorf, welche des Kurfürsten Schwester Frau Barbara selbigem ertheilt hat, am 1. Sept. 1491.

Wir Johannis, vonn gotts gnadenn Marggraue zu Brandenburg, Churfurst etc. Bekennen vnd thun kunt offentlich mit disem briue fur vns, vnser erben vnd nachkomen vnd sunst vor aller meniglich. Nachdem die hochgeborn Furstin vnser liebe Swelster, Fraw Barbara, geborn Marggravin zu Brandemburch vnd Hertzogin in der Slesien etc. vnser lieben getrewen Baltzar von loben vnd seinen menlichen leibs lebens erben, vmb seiner getrewen willigen dienst willen, die er jrer lieb vnd der Herschaft zu Crossen manigfeldich getan, das dorf im weichbild zu Crossen gelegen, das itzunt hans von Lobben zu lehn besitzt, zu einem angefelle, wo der gnant Hans von Loben

on Menlich leibs erben mit todt abgeen vnd er das erleben wurd, verlyhen, des auch daruber jr furstlich briue vnd Sigell gegeben hat, vnd wann jm nu solch briue vndt Sigell durch brands willen verdorben vnd von abhenden komen, Auch wir itzunt durch den gemelten Baltzar von Lobben ersucht, Im solch angefell vnd Manlehn widervmb aufs new zu bestettigen vnd zu uerleyhen, Sint wir solcher seiner getrewen dienst nach, die er vnser Herrschaft vormals getan vnd hinfurder teglich woll thun kann vnd mach, in ansehung bewegt, Im solchs auffs new wiederumb zu uerleyhen vnd zu bestettigen. Bestettigen vnd verleyhen auch dem vorgnanten Baltzar von loben vnd seinen menlichen leibs lehns erben solch obgemelt dorff Newendorff mit aller seiner Zugehorung, Zinsen, nutzungen vnd Renten nichts aufgenohmen, wie das in seinen vir Reinen gelegen ist, zu rechtem angefell vnd manlehn in vnd mit craft dits brifs vnd also, ob geschee, das der gemelt hans von Lobben on Menlich leibs lehns erben mit tod abgeen vnd Baltzar von Lobben oder sein Menlich leibs lehns erben das erleben wurden, das sie Alsdann solch dorff newendorff mit allen zugehorungen wie obtet zu einem rechten angefell vnd manlehen empfaen, annehmen, haben, besitzen vnd gebrauchen, vns auch dauon hallten, thun vnd dinen sollen als angefels vnd Manlehens recht vnd gewonheit ist. Wir verleyhen jne auch daran was wir jne von gnaden vnd rechts wegen daran verleyhen sollen vnd mogen, Doch vns vnd sonst einem iden an seiner gerechtickait on schaden. Zu urkunth etc. Actum am Sonabent Egidii, Im XCI. Jar.

Relator Er Sigmunt von Rotenburg, Ritter.

Nach dem Kurlm. Lehnecopialbuche XXIX, 35.

2174. Kaiserliche Bestätigung des von dem Kurfürsten Johann seiner Gemahlin Margareth auf Spandow, Cüstrin, Wriezen, Böhow, Liebenwalde und Saarmund verschriebenen Leibgedinges, vom 14. Dez. 1491.

Wir Fridrich, vonn gottes gnadenn Romiseher kaifer, zu allen zeiten mehrer des Reichs, zu hungern, Dalmacien, Croacien etc. konig, hertzog zu Osterreich, zu Steyr, Chernten vnd zu Crayn, Graue zu Tyroll etc. Bekennen offentlich mit disem briue vnd thun kunt allermeniglich, das vns der hochgeborn Johans, Marggraue zu Brandenburg, zu Stettin, pommern, der Cassuben vnd wenden hertzog, Burggraue zu Norinberg vnd Furste zu Rugen, des heyligen Romischen reichs Ertz-Camrer, vnser lieber Ohem vnd Churfurst, hat furbringen lassen, wie er die hochgeborne Margareten, geborn hertzogin zu Sachsen, sein Eeliche gemahell vnser liebe Muhmen vnd Furstin, auff die Sloss vnd Stett Spandow, Custrin, Britzen an der ader, Bötzw, libenwald vnd Sarmunt, so er vnter seinen Regalien von vns vnd dem heyligen reich zu lehn trage vmb vir tausent